



陶靖節集

章次

詩四言

停雲 四首有敘

時運 四首有敘

榮木 四首有敘

贈長沙公族祖 四首有敘

明東吳毛晉子晉重



陶詩章次一

綠君亭

酬丁柴桑 二首

答龐參軍 六首有敘

勸農 六首有敘

歸鳥 四首有敘

命子 十首有敘

詩五言

形影神 三首有敘

九日閒居 有敘

歸田園居 五首

遊斜川 有敘

示周掾祖謝

乞食

諸人共遊周家墓栢下

怨詩楚調示龐主簿鄧治中

答龐參軍 并敘

五月旦作和戴主簿

連雨獨飲

移居

二首

和劉柴桑

酬劉柴桑

和郭主簿

二首

於王撫軍座送客

與殷晉安別

有敘

贈羊長史

有敘

歲莫作和張常侍

和胡西曹示顧賊曹

悲從弟仲德

始作鎮軍叅軍經曲阿

庚子歲五月中從都還阻風於規林

二首

辛丑歲七月赴假還江陵夜行塗中

癸卯歲始春懷占田舍

癸卯歲十二月中作與從弟敬遠

乙巳歲三月爲建威叅軍使都經錢溪
還舊居

戊申歲六月中遇火

巳酉歲九月九日

庚戌歲九月中於西田穫早稻

丙辰歲八月中於下澗田舍穫

飲酒 二十首有敘

止酒

述酒

責子

有會而作 有敘

蜡日

擬古 九首

雜詩 十二首

詠貧士 七首

詠二疎

陶詩章次四

綠君亭

詠三良

詠荆軻

讀山海經 十三首

擬挽歌辭 三首

停雲

停雲思親友也罇湛新醪園列初榮願言不
從歎息彌襟

靄靄停雲濛濛時雨八表同昏平路伊阻靜寄
東軒春醪獨撫良朋悠邈搔首延佇

停雲靄靄時雨濛濛八表同昏平陸成江有酒
有酒閒飲東牕願言懷人舟車靡從

東園之樹枝條再榮競用新好以招予情人亦

有言日月于征安得促席說彼平生
翩翩飛鳥息我庭柯斂翮閒止好聲相和豈無
他人念子寔多願言不獲抱恨如何

時運

時運游莫春也春服既成景物斯和偶影獨
游欣慨交心

邁邁時運穆穆良朝襲我春服薄言東郊山滌
餘藹宇曖微霄有風自南翼彼新苗

洋洋平津乃漑乃濯邈邈遐景載欣載矚稱心
而言人亦易足揮茲一觴陶然自樂
延目中流悠悠清沂童冠齊業閒詠以歸我愛
其靜寤寐交揮但恨殊世邈不可追
斯晨斯夕言息其廬花藥分列林竹翳如清琴
橫牀濁酒半壺黃唐莫逮慨獨在予

榮木

榮木念將老也日月推遷已復有夏總角聞

道白首無成

采采榮木結根于茲晨耀其華夕已喪之人生
若寄顛顛有時靜言孔念中心悵而
采采榮木于茲托根繁華朝起慨莫不存貞脆
由人禍福無門匪道曷依匪善奚敦

嗟予小子稟茲固陋徂年旣流業不增舊志彼
不舍安此日富我之懷矣怛焉內疚
先師遺訓予豈云墜四十無聞斯不足畏脂我

名車策我名驥千里雖遙孰敢不至

贈長沙公族祖

長沙公於予爲族祖同出大司馬昭穆旣遠
已爲路人經過潯陽臨別贈此

同源分流人易世疎慨然寤歎念茲厥初禮服
遂悠歲月眇徂感彼行路眷然躊躇
於穆令族允構斯堂諧氣冬暄映懷圭璋爰采
春花載警秋霜我日欽哉實宗之光

伊予云邁在長忘同笑言未久逝焉西東遙遙
三湘滔滔九江山川阻遠行李時通
何以寫心貽此話言進篲雖微終焉爲山敬哉
離人臨路悽然款襟或遼音問其先

酬丁柴桑

有客有客爰來爰止秉直司聰于惠百里餐勝
如歸聆善若始
匪惟諧也屢有良由載言載眺以寫我憂放歡

一遇旣醉還休寔欣心期方從我遊

答龐參軍

龐爲衛軍參軍從江陵使上都過潯陽見贈
衡門之下有琴有書載彈載詠爰得我娛豈無
他好樂是幽居朝爲灌園夕偃蓬廬
人之所寶尚或未珍不有同愛云胡以親我求
良友寔觀懷人懽心孔洽棟宇惟鄰
伊予懷人欣德孜孜我有旨酒與女樂之乃陳

好言乃著新詩一日不見如何不思
嘉游未數誓將離分送爾于路銜觴無欣依依
舊楚邈邈西雲之子之遠良話曷聞
管我云別倉庚載鳴今也遇之雪霰飄零大藩
有命作使上京豈忘宴安王事靡寧
慘慘寒日肅肅其風翩彼方舟容與沖沖勗哉
征人在始思終敬茲良辰以保爾躬

勸農

悠悠上古厥初生人傲然自足抱朴含真智巧
既萌資待靡因誰其瞻之實賴詰人
詰人伊何時爲后稷瞻之伊何實曰播殖舜既
躬耕禹亦稼穡遠若周典八政始食
熙熙令音猗猗原陸卉木繁榮和風清穆紛紛
士女趨時競逐桑婦宵征農夫野宿
氣節易過和澤難久冀缺攜儷沮溺結耦相彼
賢達猶勤壟畝矧伊衆庶曳裾拱手

五
民生在勤勤則不匱宴安自逸歲莫奚冀儋石
不儲飢寒交至顧爾儔列能不懷愧
孔耽道德樊須是鄙董樂琴書田園不履若能
超然投跡高軌敢不斂衽敬讚德美

歸鳥

翼翼歸鳥晨去于林遠之八表近憩雲岑和風
不洽翻翻求心顧儔相鳴景庇清陰
翼翼歸鳥載翔載飛雖不懷游見林情依遇雲

頡頏相鳴而歸遐路誠悠性愛無遺
翼翼歸鳥馴林徘徊豈思天路欣及舊棲雖無
管侶衆聲每諧日夕氣清悠然其懷
翼翼歸鳥戢羽寒條游不曠林宿則森標晨風
清興好音時交贈繳奚施已卷安勞

命子

悠悠我祖爰自陶唐邈爲虞賓歷世重光御龍
勤夏豕韋翼翼商穆穆司徒厥族以昌

紛紛戰國漠漠衰周鳳隱于林幽人在丘逸蚪
 遶雲奔鯨駭流天集有漢眷予愍侯
 於赫愍侯運當攀龍撫劔夙邁顯茲武功書誓
 山河啓土開封壘壘丞相允迪前蹤
 渾渾長源蔚蔚洪柯羣川載導衆條載羅時有
 語默運因隆窅在我中晉業融長沙
 桓桓長沙伊勳伊德天子疇我專征南國功遂
 辭歸臨寵不忒孰謂斯心而近可得

肅矣我祖慎終如始直方二臺惠和千里於皇
 仁考淡焉虛止寄跡風雲寘茲愠喜
 嗟予寡陋瞻望弗及顧慙華鬢負影隻立三千
 之罪無後爲急我誠念哉呱聞爾泣
 卜云嘉日占亦良時名汝曰儼字汝求思溫恭
 朝夕念茲在茲尚想孔伋庶其企而
 厲夜生子遽而求火凡百有心奚特于我旣見
 其生實欲其可人亦有言斯情無假

日居月諸漸免于孩福不虛至禍亦易來夙興
夜寐願爾斯才爾之不才亦已焉哉

形影神

貴賤賢愚莫不營營以惜生斯甚惑焉故極
陳形影之苦言神辯自然以釋之好事君子
共取其心焉

形贈影

天地長不沒山川無改時草木得常理霜露榮

悴之謂人最靈智獨復不知茲適見在世中奄
去靡歸期奚覺無一人親識豈相思但餘平生
物舉目情悽沍我無騰化術必爾不復疑願君
取吾言得酒莫苟辭

影答形

存生不可言衛生每苦拙誠願游崑華邈然茲
道絕與子相遇來未嘗異悲悅憩蔭若暫乖止
日終不別此同既難常黯爾俱時滅身沒名亦

盡念之五情熱立善有遺愛胡可不自竭酒云
能消憂方此詎不劣

神釋

大鈞無私力萬物自森著人爲三才中豈不以
我故與君雖異物生而相依附結托善惡同安
得不相與三皇大聖人今復在何處彭祖壽永
年欲畱不得住老少同一歿賢愚無復數日醉
或能忘將非促齡具立善常所欣誰當爲汝譽

甚念傷吾生正宜委運去縱浪大化中不喜亦
不懼應盡便須盡無復獨多慮

九日閒居

予閒居愛重九之名秋菊盈園而持醪靡由
空服九華寄懷於言

世短意常多斯人樂久生日月依辰至舉俗愛
其名露淒暄風息氣澈天象明往燕無遺影來
鴈有餘聲酒能祛百慮菊爲制頽齡如何蓬廬

九
士空視時運傾塵爵恥虛壘寒華徒自榮斂襟
獨閒謠緬焉起深情棲遲固多娛淹留豈無成

歸田園居

少無適俗韻性本愛丘山誤落塵網中一去三
十年羈鳥戀舊林池魚思故淵開荒南野際守
拙歸園田方宅十餘畝草屋八九間榆柳蔭後
園桃李羅堂前曖曖遠人村依依墟里煙狗吠
深巷中雞鳴桑樹顛戶庭無塵雜虛室有餘閒

久在樊籠裏復得返自然

野外罕人事窮巷寡輪鞅白日揜荆扉虛室絕
塵想時復墟曲中披草共來往相見無雜言但
道桑麻長桑麻日已長我土日已廣常恐霜霰
至零落同草莽

種豆南山下草盛豆苗稀晨興理荒穢帶月荷
鋤歸道狹草木長夕露沾我衣衣沾不足惜但
使願無違

久去山澤游浪莽林野娛試攜子姪輩披榛步
荒墟徘徊丘隴間依依管人居井竈有遺處桑
竹殘朽株借問採薪者此人皆焉如薪者向我
言歿沒無復餘一世異朝市此語真不虛人生
似幻化終當歸空無

悵恨獨策還崎嶇歷榛曲山澗清且淺遇以濯
吾足漉我新熟酒隻雞招近局日入室中闔荆
薪代燭燭權來苦夕短已復至天旭

游斜川

辛丑歲正月五日天氣澄和風物閒美與二
三鄰曲同游斜川臨長流望曾城魴鯉躍鱗
於將夕水鷗乘和以翻飛彼南阜者名寔舊
矣不復乃爲嗟歎若夫曾城傍無依接獨秀
中臯遙望靈山有愛嘉名欣對不足率爾賦
詩悲日月之遂往悼吾年之不畱各疏年紀
鄉里以記其時日

開歲倏五日吾生行歸休念之動中懷及辰爲
茲游氣和天惟澄班坐依遠流弱湍馳文魴閒
谷矯鳴鷗迴澤散游目緬然睇曾丘雖微九重
秀顧瞻無匹儔提壺接賓侶引滿更獻酬未知
從今去當復如此不中觴縱遙情忘彼千載憂
且極今朝樂明日非所求

示周掾祖謝

負痾頽簷下終日無一欣藥石有時閒念我意

中人相去不尋常道路邈何因周生述孔業祖
謝響然臻道喪向千載今朝復斯聞馬隊非講
肆校書亦已勤老夫有所愛思與爾爲鄰願言
誨諸子從我頽水濱

乞食

飢來驅我去不知竟何之行行至斯里叩門拙
言辭主人解予意遺贈豈虛來談話終日夕觴
至輒傾卮情忻新知懽言詠遂賦詩感子漂母

惠媿我韓才非銜戢知何謝冥報以相貽
諸人共游周家墓栢下

今日天氣佳清吹與鳴彈感彼栢下人安得不
爲懽清歌散新聲綠酒開芳顏未知明日事予
襟良已殫

怨詩楚調示龐主簿鄧治中

天道幽且遠鬼神茫昧然結髮念善事僂俛六
九年弱冠逢世阻始室喪其偏炎火屢焚如螟

蠹恣中田風雨縱橫至收斂不盈屢夏日長抱
飢寒夜無被眠造夕思雞鳴及晨願鳥遷在已
何怨天離憂悽目前吁嗟身後名於我若浮煙
慷慨獨悲歌鍾期信爲賢

答龐參軍

三復來貺欲罷不能自爾鄰曲冬春再交款
然良對忽成舊游俗諺云數面成親舊况情
過此者乎人事好乖便當語離楊公所歎豈

惟常悲吾抱疾多年不復為文本既不豐復
老病繼之輒依周孔往復之義且為別後相
思之資

相知何必舊傾蓋定前言有客賞我趣每每顧
林園談諧無俗調所說聖人篇或有數斗酒閒
飲自懽然我寔幽居士無復東西緣物新人唯
舊弱毫多所宣情通萬里外形跡滯江山君其
愛體素來會在何年

五月旦作和戴主簿

虛舟縱逸棹回復遂無窮發歲止俛仰星紀奄
將中南牕罕悴物北林榮且豐神淵寫時雨晨
色奏景風既來孰不去人理固有終居常待其
盡曲肱豈傷冲遷化或夷險肆志無窾隆即事
如已高何必升華嵩

連雨獨飲

運生會歸盡終古謂之然世間有松喬于今定

何間故老贈予酒乃言飲得仙試酌百情遠重
觴忽忘天天豈去此哉任真無所先雲鶴有奇
翼八表須臾還顧我抱茲獨僂俛四十年形骸
久已化心在復何言

移居

管欲居南村非爲卜其宅間多素心人樂與數
晨夕懷此頗有年今日從茲役敝廬何必廣取
足蔽牀席鄰曲時時來抗言談在管奇文共欣

賞疑義相與析

春秋多佳日登高賦新詩過門更相呼有酒斟酌之農務各自歸閒暇輒相思相思則披衣言笑無厭時此理將不勝無爲忽去茲衣食當須紀力耕不吾欺

和劉柴桑

山澤久見招胡事乃躊躇直爲親舊故未忍言
索居良辰入奇懷挈杖還西廬荒塗無歸人時

十五
時見廢廬茅茨已就治新疇復應畬谷風轉淒
薄春醪解飢劬弱女雖非男慰情良勝無栖栖
世中事歲月共相疎耕織稱其用過此奚所須
去去百年外身名同翳如

酬劉柴桑

窮居寡人用時忘四運周櫛庭多落葉慨然知
已秋新葵鬱北牖嘉穉養南疇今我不爲樂知
有來歲不命室攜童弱良日登遠游

和郭主簿

訪謁堂前林中夏貯清陰凱風因時來回飈開
我襟息交游閒業臥起弄書琴園蔬有餘滋舊
穀猶儲今營已良有極過足非所欽春秫作美
酒酒熟吾自斟弱子戲我側學語未成音此事
眞復樂聊用忘華簪遙遙望白雲懷古一何深
和澤周三春清涼素秋節露凝無游氛天高肅
景澈陵岑聳逸峰遙瞻皆奇絕芳菊開林耀青

松冠巖列懷此貞秀姿卓爲霜下傑銜觴念幽
人千載撫爾訣檢素不獲展厭厭竟良月

於王撫軍座送客

秋日淒且厲百卉具已腓爰以履霜節登高餞
將歸寒氣冒山澤游雲倏無依洲渚四綿邈風
水互乖違瞻夕欲良讌離言聿云悲晨鳥莫來
還懸車斂餘暉逝止判殊路旋駕悵遲遲日送
回舟遠情隨萬化遺

與殷晉安別

殷先作晉安南府長史掾因居潯陽後作太
尉參軍移家東下作此以贈

游好非少長一遇定殷勤信宿酬清話益復知
爲親去歲家南里薄作少年鄰負杖肆游從淹
畱忘宵晨語默自殊勢亦知當乖分未謂事已
及興言在茲春飄飄西來風悠悠東去雲山川
千里外言笑難爲因才華不隱世江湖多賤貧

脫有經過便念來存故人

贈羊長史

左軍羊長史銜使秦川作此與之

愚生三季後慨然念黃虞得知千載外正賴古
人書賢聖畱餘跡事事在中都豈忘游心目關
河不可踰九域甫已一逝將理舟輿聞君當先
邁負痾不獲俱路若經商山爲我少躊躇多謝
綺與角精爽今何如紫芝誰復採深谷久應蕪

駟馬無貫患貧賤有交娛清謠結心曲人垂運
見疎擁懷累代下言盡意不舒

歲莫和張常侍

市朝悽舊人驟驥感悲泉明且非今日歲莫予
何言素顏斂光潤白髮一已繁闊哉秦穆談旅
力豈未愆向夕長風起寒雲沒西山厲厲氣遂
嚴紛紛飛鳥還民生鮮常在矧伊愁苦纏屢闕
清醑至無以樂當年窮通靡攸慮顛顛由化遷

撫已有深懷履運增慨然

和胡西曹示顧賊曹

蕤賓五月中清朝起南颶不駛亦不遲飄飄吹
我衣重雲蔽白日閒雨紛微微流目視西園擘
擘榮紫葵于今甚可愛奈何當復衰感物願及
時每恨靡所揮悠悠待秋稼寥落將賒遲逸想
不可淹猖狂獨長悲

悲從弟仲德

銜哀過舊宅悲淚應心零借問爲誰悲懷人在
九冥禮服名羣從恩愛若同生門前執手時何
意爾先傾在數竟未免爲山不及成慈母沈哀
疚二胤纔數齡雙位委空館朝夕無哭聲流塵
集虛坐宿草旅前庭階除曠游跡園林獨餘情
翳然乘化去終天不復形遲遲將迴步惻惻悲
襟盈

始作鎮軍參軍經曲阿

弱齡寄事外委懷在琴書被褐欣自得屢空常
晏如時來苟冥會婉孌通衢投策命晨裝暫
與園田疎眇眇孤舟逝綿綿歸思高我行豈不
遙登陟千里餘目倦川途異心念山澤居望雲
慙紆身臨水媿游魚真想初在襟誰謂形跡拘
聊且憑化遷終返班生廬

庚子歲五月中從都還阻風於規林

行行循歸路計日望舊居一欣侍溫顏再喜見

友于鼓棹路崎曲指景限西隅江山豈不險歸
子念前途凱風負我心戢柁守窮湖高莽眇無
界夏木獨森疎誰言客舟遠近瞻百里餘延目
識南嶺空歎將焉如

自古歎行役我今始知之山川一何曠巽坎難
與期崩浪聒天響長風無息時久游戀所生如
何淹在茲靜念園林好人間良可辭當年詎有
幾縱心復何疑

二十
辛丑歲七月赴假還江陵夜行塗中

閒居三十載遂與塵事冥詩書敦夙好林園無
俗情如何捨此去遙遙至南荆叩枻新秋月臨
流別友生涼風起將夕夜景湛虛明昭昭天宇
闊晶晶川上平懷役不遑寐中宵尚孤征商歌
非吾事依依在耦耕投冠旋舊墟不爲好爵縈
養真衡茅下庶以善自名

癸卯歲始春懷古田舍

在管聞南畝當年竟未踐屢空旣有人春興豈
自免夙晨裝吾駕啓塗情已緬鳥弄懽新節泠
風送餘善寒竹被荒蹊地爲罕人遠是以植杖
翁悠然不復返卽理愧通識所保詎乃淺

先師有遺訓憂道不憂貧瞻望邈難逮轉欲志
常勤秉耒懽時務解顏勸農人平疇交遠風良
苗亦懷新雖未量歲功卽事多所忻耕種有時
息行者無問津日入相與歸壺漿勞近鄰長吟

掩柴門聊爲隴畝民

癸卯十二月中作與從弟敬遠

寢跡衡門下邈與世相絕顧盼莫誰知荆扉晝
常閉淒淒歲莫風翳翳經日雪傾耳無希聲在
目皓已潔勁氣侵襟袖簞瓢謝屢設蕭索空宇
中了無一可悅歷覽千載書時時見遺烈高操
非所攀溪得固窮節平津苟不由栖遲詎爲拙
寄意一言外茲契誰能別

乙巳歲三月爲建威參軍使都經錢溪

我不踐斯境歲月好已積晨夕看山川事事悉
如管微雨洗高林清飈矯雲翮眷彼品物存義
風都未隔伊予何爲者勉勵從茲役一形似有
制素襟不可易園田日夢想安得久離析終懷
在歸舟諒哉宜霜栢

還舊居

疇管家上京六載去還歸今日始復來惻愴多

所悲阡陌不移舊邑屋或時非履歷周故居鄰
老罕復遺步步尋往跡有處特依依流幻百年
中寒暑日相催常恐大化盡氣力不及衰撥置
且莫念一觴聊可揮

戊申歲六月中遇火

草廬寄窮巷甘以辭華軒正夏長風急林室頓
燒燔一宅無遺宇舫舟蔭門前迢迢新秋夕亭
亭月將圓果菜始復生驚鳥尚未還中宵竚遙

念一盼周九天總髮抱孤念奄出四十年形跡
憑化往靈府長獨閒貞剛自有質玉石乃非堅
仰想東戶時餘糧宿中田鼓腹無所思朝起暮
歸眠既已不遇茲且遂灌西園

巳酉歲九月九日

靡靡秋已夕淒淒風露交蔓草不復榮園木空
自凋清氣澄餘滓杳然天界高哀蟬無歸響叢
鴈鳴雲霄萬化相尋繹人生豈不勞從古皆有

沒念之中心焦何以稱我情濁酒且自陶千載
非所知聊以永今朝

庚戌歲九月中於西田穫早稻

人生歸有道衣食固其端孰是都不營而以求
自安開春理常業歲功聊可觀晨出肆微勤日
入負未還山中饒霜露風氣亦先寒田家豈不
苦弗獲辭此難四體誠乃疲庶無異患千盥濯
息簷下斗酒散襟顏遙遙沮溺心千載乃相關

但願長如此躬耕非所歎

丙辰歲八月中於下潁田舍穫

貧居依稼穡戮力東林隈不言春作苦常恐負
所懷司田眷有秋寄聲與我諧飢者歡初飽束
帶候鳴雞揚楫越平湖汎隨清壑迴鬱鬱荒山
裏援聲閒且哀悲風愛靜夜林鳥喜晨開日子
作此來三四星火頽姿年逝已老其事未云乖
遙謝荷篠翁聊得從君栖

飲酒

予閒居寡歡兼比夜已長偶有名酒無夕不
飲顧影獨盡忽焉復醉既醉之後輒題數句
自娛紙墨遂多辭無詮次聊命故人書之以
爲歡笑爾

衰榮無定在彼此更共之邵生瓜田中寧似東
陵時寒暑有代謝人道每如茲達人解其會逝
將不復疑忽與一觴酒日夕懽相持

積善云有報夷叔在西山善惡苟不應何事立
空言九十行帶索飢寒况當年不賴固窮節百
世當誰傳

道喪向千載人人惜其情有酒不肯飲但顧世
間名所以貴我身豈不在一生一生復能幾倏
如流電驚鼎鼎百年內持此欲何成

栖栖失羣鳥日莫猶獨飛徘徊無定止夜夜聲
轉悲厲響思清遠去來何依依自值孤生松斂

卅五
翩遙來歸勁風無榮木此蔭獨不衰托身已得
所千載不相違

結廬在人境而無車馬喧問君何能爾心遠地
自偏採菊東籬下悠然見南山山氣日夕佳飛
鳥相與還此中有真意欲辯已忘言

行止千萬端誰知非與是是非苟相形雷同共
譽毀三季多此事達士似不爾咄咄俗中惡且
當從黃綺

秋菊有佳色裛露掇其英汎此忘憂物遠我遺
世情一觴雖獨進杯盡壺自傾日入羣動息歸
鳥趨林鳴嘯傲東軒下聊復得此生

青松在東園衆草沒奇姿凝霜殄異類卓然見
高枝連林人不覺獨樹衆乃奇提壺挂寒柯遠
望時復爲吾生夢幻間何事繼塵羈

清晨聞叩門倒裳往自開問子爲誰歟田父有
好懷壺漿遠見候疑我與時乖縵縷茅簷下未

足爲高栖一世皆尚同願君汨其泥深感父老
言稟氣寡所諧紆戀誠可學違已詎非迷且共
歡此飲吾駕不可回

在管曾遠游直至東海隅道路迴且長風波阻
中塗此行誰使然似爲飢所驅傾身營一飽少
許便有餘恐此非名計息駕歸閒居

顏生稱爲仁榮公言有道屢空不獲年長飢至
于老雖畱身後名一生亦枯槁死去何所知稱

心固爲好客養千金軀臨化消其寶裸葬何必
惡人當解意表

長公會一仕壯節忽失時杜門不復出終身與
世辭仲理歸大澤高風始在茲一往便當已何
爲復狐疑去去當奚道世俗久相欺擺落悠悠
談請從予所之

有客常同止趨捨邈異境一士長獨醉一夫終
年醒醒醉還相笑發言各不領規規一何愚兀

傲差若穎寄言酣中客日沒燭當炳

故人賞我趣挈壺相與至班荆坐松下數斟已
復醉父老雜亂言觴酌失行次不覺知有我安
知物爲貴悠悠迷所畱酒中有深味

貧居乏人工灌木荒予宅班班有翔鳥寂寂無
行跡宇宙一何悠人生少至百歲月相催逼鬢
邊早已白若不委窮達素抱深可憐

少年罕人事游好在六經行行向不惑淹畱遂

無成竟抱固窮節飢寒飽所更敝廬交悲風荒
草沒前庭披褐守長夜晨雞不肯鳴孟公不在
茲終以翳吾情

幽蘭生前庭含薰待清風清風脫然至見別蕭
艾中行行失故路任道或能通覺悟當念還鳥
盡廢良弓

子雲性嗜酒家貧無由得時賴好事人載醪祛
所惑觴來爲之盡是諮無不塞有時不肯言豈

不在伐國仁者用其心何嘗失顯默
疇管苦長飢投耒去學仕將養不得節凍餒固
纏已時向立年志意多所恥遂盡介然分終
歿歸田里冉冉星氣流亭亭復一紀世路廓悠
悠楊朱所以止雖無揮金事濁酒聊可恃

羲農去我久舉世少復真汲汲魯中叟彌縫使
其淳鳳鳥雖不至禮樂暫得新沫泗輟微響漂
流逮狂秦詩書復何罪一朝成灰塵區區諸老
翁爲事誠殷勤如何絕世下六籍無一親終日
馳車走不見所問津若復不快飲空負頭上巾
但恨多謬誤君當恕醉人

止酒

居止次城邑逍遙自閒止坐止高蔭下步止華
門裏好味止園葵大懽止稚子平生不止酒止
酒情無喜莫止不安寢晨止不能起日日欲止
之營衛止不理徒知止不樂未知止利已始覺

止爲善今朝真止矣從此一止去將止扶桑淡
清顏止宿容奚止千萬祀

述酒

重離照南陸鳴鳥聲相聞秋草雖未黃融風久
已分素礫晶脩渚南嶽無餘雲豫章抗高門重
華固靈墳流淚抱中歎傾耳聽司晨神州獻嘉
粟西靈爲我馴諸梁董師旅芊勝喪其身山陽
歸下國成名猶不勤卜生善斯牧安樂不爲君

平王去舊京峽中納遺薰雙陵甫云育三趾顯
奇文王子愛清吹日中翔河汾朱公練九齒閒
居離世紛峨峨西嶺內偃息常所親天容自永
固彭殤非等倫

責子

白髮被兩鬢肌膚不復實雖有五男兒總不好
紙筆阿舒已二八懶惰故無匹阿宣行志學而
不愛文術雍端年十三不識六與七通子垂九

三十
齡但覓黎與粟天運苟如此且進盃中物

有會而作

舊穀旣沒新穀未登頗爲老農而值年災日月尚悠爲患未已登歲之功旣不可希朝夕所資煙火裁通旬日已來始念飢乏歲云夕矣慨然永懷今我不述後生何聞哉

弱年逢家乏老歲更長飢菽麥實所羨孰敢慕甘肥怒如亞九飯當暑厭寒衣歲月將欲莫如何辛苦悲常善粥者心深恨蒙袂非嗟來何足吝徒沒空自遺斯濫豈彼志固窮夙所歸餒也已矣夫在簪予多師

蝥日

風雪送餘運無妨時已和梅柳夾門植一條有
佳花我唱爾言得酒中適何多未能明多少章
山有奇歌

擬古

榮榮牕下蘭密密堂前柳初與君別時不謂行
當久出門萬里客中道逢嘉友未言心先醉不
在接盃酒蘭枯柳亦衰遂令此言負多謝諸少
年相知不忠厚意氣傾人命離隔復何有
辭家夙嚴駕當往志無終問君今何行非商復
非戎聞有田子春節義爲士雄斯人久已歿鄉
里習其風生有高世名旣沒傳無窮不學狂馳
子直在百年中

仲春遘時雨始雷發東隅衆蟄各潛駭草木從
橫舒翩翩新來燕雙雙入我廬先巢故尚在相
將還舊居自從分別來門庭日荒蕪我心固匪
石君情定何如

迢迢百尺樓分眴望四荒莫作歸雲宅朝爲飛
鳥堂山河滿目中平原獨茫茫古時功名士慷
慨爭此場一旦百歲後相與還北印松栢爲人
伐高墳互低昂頽基無遺主游魂在何方榮華

誠足貴亦復可憐傷

東方有一士被服常不完三旬九遇食十年著
一冠辛苦無此比常有好看顏我欲觀其人晨
去越河關青松夾路生白雲宿簷端知我故來
意取琴爲我彈上絃驚別鶴下絃操孤鸞願畱
就君住從今至歲寒

蒼蒼谷中樹冬夏常如茲年年見霜雪誰謂不
知時厭聞世上語結友到臨淄稷下多談士指

彼決吾疑裝束既有日已與家人辭行行停出
門還坐更自思不怨道里長但畏人我欺萬一
不合意永爲世笑之伊懷難具道爲君作此詩
日莫天無雲春風扇微和佳人美清夜達曙酣
且歌歌竟長歎息持此感人多皎皎雲間月灼
灼葉中華豈無一時好不久當如何

少時壯且厲撫劍獨行游誰言行游近張掖至
幽州飢食首陽薇渴飲易水流不見相知人惟

卅三
見古時丘路邊兩高墳伯牙與莊周此士難再
得吾行欲何求

種桑長江邊三年望當採枝條始欲茂忽值山
河改柯葉自摧折根株浮滄海春蠶既無食寒
衣欲誰待本不植高原今日復何悔

雜詩

人生無根蒂飄如陌上塵分散逐風轉此已非
常身落地爲兄弟何必骨肉親得權當作樂斗

酒聚比鄰盛年不重來一日難再晨及時當勉
勵歲月不待人

白日淪西河素月出東嶺遙遙萬里輝蕩蕩空
中景風來入房戶夜中枕席冷氣變悟時易不
眠知夕永欲言無予和揮杯勸孤影日月擲人
去有志不獲騁念此懷悲悽終曉不能靜
榮華難久居盛衰不可量晉爲三春蕪今作秋
蓮房嚴霜結野草枯悴未遽央日月有環周我

去不再陽眷眷往管時憶此斷人腸

丈夫志四海我願不知老親戚共一處子孫還
相保觴絃肆朝日罇中酒不燥緩帶盡懽娛起
晚眠常早熟若當世士冰炭滿懷抱百年歸丘
隴用此空名道

憶我少壯時無樂自忻豫猛志逸四海騫翮思
遠翥荏苒歲月頽此心稍已去值懽無復娛每
每多憂慮氣力漸衰損轉覺日不如壑舟無須

與引我不得住前途當幾許未知止泊處古人
惜寸陰念此使人懼

管聞長者言掩耳每不喜奈何五十年忽已親
此事求我盛年懽一毫無復意去去轉欲遠此
生豈再值傾家時作樂竟此歲月駛有子不留
金何用身後置

日月不肯遲四時相催迫寒風拂枯條落葉掩
長陌弱質與運頽玄鬢早已白素標插人頭前

途漸就窄家爲逆旅舍我如當去客去去欲何
之南山有舊宅

代耕本非望所業在田桑躬親未曾替寒餒常
糟糠豈期過滿腹但願飽粳糧御冬足大布麤
絺以應陽正爾不能得哀哉亦可傷人皆盡獲
宜拙生失其方理也可奈何且爲陶一觴

遙遙從羈役一心處兩端掩淚汎東逝順流追
時遷日沒星與昴勢翳西山巔蕭條隔天涯惆

悵念常餐慷慨思南歸路遐無由緣關梁難虧
替絕音寄斯篇

閒居執蕩志時駛不可稽驅役無停息軒裳逝
東岬沈陰擬薰麝寒氣激我懷歲月有常御我
來淹已彌慷慨憶綢繆此情久已離荏苒經十
載暫爲人所羈庭宇翳餘木倏忽日月虧

我行未云遠回顧慘風涼春燕應節起高飛拂
塵梁邊鴈悲無所代謝歸北鄉離鷗鳴清池涉

暑經秋霜愁人難為辭遙遙春夜長

嫋嫋松標岷婉變柔童子年始三五間喬柯何
可倚養色含精氣粲然有心理

詠貧士

萬族各有託孤雲獨無依曖曖空中滅何時見
餘輝朝霞開宿霧衆鳥相與飛遲遲出林翮未
夕復來歸量力守故轍豈不寒與飢知音苟不
存已矣何所悲

淒厲歲云莫擁褐曝前軒南圃無遺秀枯條盈
北園傾壺絕餘瀝闔竈不見煙詩書塞座外日
晏不遑研閒居非陳厄竊有慍見言何以慰吾
懷賴古多此賢

榮叟老帶索欣然方彈琴原生納決履清歌暢
高音重華去我久貧士世相尋弊襟不掩肘藜
羹常乏斟豈忘襲輕裘苟得非所欽賜也徒能
辯乃不見吾心

安貧守賤者自古有黔婁好爵吾不榮厚饋吾
不酬一旦壽命盡弊服仍不周豈不知其極非
道故無憂從來將千載未復見斯儔朝與仁義
生夕歿復何求

袁安困積雪邈然不可干阮公見錢入卽日棄
其官芻藁有常溫採菖足朝餐豈不實辛苦所
懼非飢寒貧富常交戰道勝無戚顏至德冠邦
閭清節映西關

仲蔚愛窮居遶宅生蒿蓬翳然絕交游賦詩頗
能工舉世無知者止有一劉龔此士胡獨然寔
由罕所同介焉安其業所樂并窮通人事固以
拙聊得常相從

管在黃子廉彈冠佐名州一朝辭吏歸清貧略
難儔年飢感仁妻泣涕向我流丈夫雖有志固
爲兒女憂惠孫一晤歎腆贈竟莫酬誰云固窮
難邈哉此前脩

詠二疏

大象轉四時功成者自去借問衰周來幾人得
其趣游目漢廷中二疏復此舉高嘯返舊居長
揖儲君傳餞送傾皇朝華軒盈道路離別情所
悲餘榮何足顧事勝感行人賢哉豈常譽厭厭
閭里歡所營非近務促席延故老揮觴道平素
問金終寄心清言曉未悟放意樂餘年遑恤身
後慮誰云其人亾久而道彌著

詠三良

彈冠乘通津但懼時我遺服勤盡歲月常恐功
愈微忠情謬獲露遂爲君所私出則陪文輿入
必侍丹帷箴規向已從計議初無虧一朝長逝
後願言同此歸厚恩固難忘君命安可違臨穴
罔惟疑投義志攸希荆棘籠高墳黃鳥聲正悲
良人不可贖泫然沾我衣

詠荆軻

燕丹善養士志在報疆羸招集百夫良歲莫得
荆卿君子歿知己提劍出燕京素驥鳴廣陌慷
慨送我行雄髮指危冠猛氣充長纓飲餞易水
上四座列羣英漸離擊悲筑宋意唱高聲蕭蕭
哀風逝淡淡寒波生商音更流涕羽奏壯士驚
心知去不歸且有後世名登車何時顧飛蓋入
秦庭凌厲越萬里逶迤過千城圖窮事自至豪
主正怔營惜哉劍術疎奇功遂不成其人雖已

沒千載有餘情

讀山海經

孟夏草木長遶屋樹扶疎衆鳥欣有托吾亦愛
吾廬旣耕亦已種時還讀我書窮巷隔深轍頗
迴故人車歡然酌春酒摘我園中蔬微雨從東
來好風與之俱汎覽周王傳流觀山海圖俯仰
終宇宙不樂復何如
玉臺凌霞秀王母怡妙顏天地共俱生不知幾

何年靈化無窮已館宇非一山高酣發新謠寧
效俗中言

迢遞槐江嶺是謂玄圃丘西南望崑墟光氣難
與儔亭亭明玕照落落清瑤流恨不及周穆託
乘一來游

丹木生何許迺在崧山陽黃花復朱實食之壽
命長白玉凝素液瑾瑜發奇光豈伊君子寶見
重我軒黃

翩翩三青鳥毛色奇可憐朝爲王母使莫歸三
危山我欲因此鳥具向王母言在世無所須惟
酒與長年

逍遙蕪臯上杳然望扶木洪柯百萬尋森散覆
暘谷靈人侍丹池朝朝爲日浴神景一登天何
幽不見燭

粲粲三珠樹寄生赤水陰亭亭凌風桂八幹共
成林靈鳳撫雲舞神鸞調玉音雖非世上寶爰

得王母心

自古皆有沒何人得靈長不歿復不老萬歲如
平常赤泉給我飲員丘足我糧方與三辰游壽
考豈渠央

夸父誕宏志乃與日競走俱至虞淵下似若無
勝負神力既殊妙傾河焉足有餘迹寄鄧林功
竟在身後

精衛銜微木將以填滄海刑天舞干戚猛志故

常在同物既無慮化去不復悔徒設在管心良
晨詎可待

巨猾肆威暴欽鴟違帝旨竅竅強能變祖江遂
獨歿明明上天鑒爲惡不可履長枯固已劇鷄
鸚豈足恃

鴈鵝見城邑其國有放士念彼懷王世當時數
來止青丘有奇鳥自言獨見爾本爲迷者生不
以喻君子

巖巖顯朝市帝者慎用才何以廢共繇重華爲
之來仲父獻誠言姜公乃見猜臨沒告飢渴當
復何及哉

擬挽歌辭

有生必有死早終非命促昨莫同爲人今日在
鬼錄魂氣散何之枯形寄空木嬌兒索父啼良
友撫我哭得失不復知是非安能覺千秋萬歲
後誰知榮與辱但恨在世時飲酒不得足

在管無酒飲今但湛空觴春醪生浮蟻何時更
能嘗肴案盈我前親舊哭我傍欲語口無音欲
視眼無光管在高堂寢今宿荒草鄉一朝出門
去歸來夜未央

荒草何茫茫白楊亦蕭蕭嚴霜九月中送我出
遠郊四面無人居高墳正嶮巖馬爲仰天鳴風
爲白蕭條幽室一已閉千年不復朝千年不復
朝賢達無奈何向來相送人各自還其家親戚

或餘悲他人亦已歌歿去何所道託體同山阿

